

四庫全書

史部

欽定四庫全書

皇朝文獻通考卷一百四十

王禮考

十六

大狩

臣等謹按承平之時不忘武事天下所以久安長治也我

皇上智勇天錫臨御五十餘年以來秋獮大典歲歲舉行誠以順時布令協

天道之嚴威柔遠綏來紹

祖功之駿庸是以平西域奠金川師惟以整而以暇將皆
知守而知攻無不有勇知方庸功立奏者良由臨
事之機宜亦緣平時之訓練也臣等備員扈從每
歲

皇上巡幸木蘭

躬行較獵自藩服以至兵民罔不震懾

天威欽瞻

神武仰見

聖朝

家法懲宴安習勞苦作士氣靖疆隅永成鞏固之業云

乾隆六年七月

上幸木蘭行圍是歲二月監察御史叢洞奏

皇上念切武備巡幸行圍誠安不忘危之至意第恐侍
從以狩獵為樂臣工或以違遠

天顏漸生怠安所關匪細方今紀綱整肅營務固弛伏

祈漸息行圍頤養

天和得

旨古者春蒐夏苗秋獮冬狩皆因田獵以講武事我朝武備超越前代當

皇祖時屢次出師所向無敵皆因平日訓練嫻熟是以有勇知方人思敵愾若平時將狩獵之事廢而不講則滿洲兵弁習於宴安騎射漸至生疎矣

皇祖每年出口行圍於軍伍最為有益而紀綱整飭政事

悉舉原與在京無異至巡行口外按厯蒙古諸藩加之恩意因以寓懷遠之畧所關甚鉅

皇考因兩路出兵現有徵發是以暫停圍獵若在撤兵之後亦必舉行況今昇平日久弓馬漸不如前人情徂於安逸亦不可不加振厲朕之降旨行圍所以遵循祖制整飭戎兵懷柔屬國非馳騁畋遊之謂至啟行時朕尚欲另降諭旨加恩賞賚令其從容行走亦不至苦累兵弁朕性耽經史至今手不釋卷遊逸二字時加

警省若使逸樂是娛則在禁中縱所欲為罔恤國事
何所不至豈必行園遠出耶朕廣開言路叢洞胸有
所見即行陳奏意亦可嘉但識見未廣將此曉諭知
之三月工部奏今次

大駕進哨行園經由橋梁道路應飭地方官如式修墊
其口外橋梁道路向係各蒙古修墊者令理藩院
轉飭遵行得

旨國家武備不可廢弛朕於本年秋月出口行園原以

訓練兵丁仿古獮狩之禮昔我

皇祖每歲舉行所經由道路及一切事宜俱有章程朕今
歲踵行悉遵舊制但恐歷年已久地方官員或僭端
派累隨從之人或有恣意需索及強買物件不按時
價者著總督孫嘉淦不時查叅毋得容隱七月戊子
上奉

皇太后啟行

降旨免所過州縣今年額賦十分之三

嗣後每年出口
行國蠲免例並

同 壬辰出古北口八月辛丑入圍場九月

回鑾王公大臣等恭迎如儀

臣等謹按木蘭者圍場之總名也周一千三百餘里南北相距二百餘里東西相距三百餘里周遭設卡倫守之每歲白露後鹿始出聲而鳴效其聲呼之可至謂之哨鹿

國語謂之木蘭今即為圍場之通稱矣凡圍場之名曰塔里牙圖曰永安莽喀曰巴顏喀喇曰威遜格

爾曰溫都里花曰額爾滾果曰巴顏布爾哈蘇台
曰巴顏溝曰岳樂曰朱勒曰巴顏木墩曰得爾吉
曰達顏得爾吉曰必圖舍里曰阿濟格鳩曰多們
曰厄勒素西那曰額倫索活圖曰庫爾圖察罕曰
西拉得布僧曰厄爾吉圖察罕曰永安拜色欽曰
巴顏圖庫馬曰鄂爾吉呼哈達曰永安拜曰英圖
曰哈里牙拉曰喀拉馬拉喀曰赤老圖得爾吉色
欽曰明安阿巴圖曰得勒格楞歸鄂博曰孟魁色

欽曰巴顏托羅海曰布克曰漢特木爾曰庫庫哈
達曰愛里色欽曰喀喇楚古素曰克勒曰古爾板
西那曰察罕札布曰西那腦海曰噶海圖曰布歸
圖曰莫爾根烏里雅素台曰胡魯蘇台曰巴拉圖
曰色拉曰扎喀烏里雅素台曰都呼代曰哈達圖
扎布曰土門索各圖曰們都阿魯曰坡賴曰莫爾
根精奇尼曰古爾板古爾板曰森吉圖曰布都里
曰朱爾噶代曰哈朗歸曰和米果爾曰搜吉曰空

果勒鄂博曰阿魯布魯克曰巴顏莽喀曰沙爾當
曰圖爾根衣扎爾凡六十餘所每歲

車駕大獮或十八九圍多或二十圍蓋於講武中寓好
生之德與成湯三面解網之意同一揆也

九月庚寅

諭諸王大臣等曰朕行圍回京之後恭讀

太宗皇帝實錄內載昔

太祖時我等聞明日出獵即豫為調鷹蹴毬若不令往泣

請隨行今之子弟惟務出外遊行閒居戲樂在昔時無論長幼爭相奮勵皆以行兵出獵為喜爾時僕從甚少人各牧馬韝鞍析薪自爨如此艱辛尚各為主効力國勢之隆非由此勞瘁而致乎今子弟遇行兵出獵或言妻子有疾或以家事為辭者多矣不思勇往奮發而惟耽戀室家偷安習玩國勢能無衰乎此等流弊有關於滿洲風氣是以蒙

太宗皇帝諄切訓諭朕此次行圍諸王大臣中竟有耽戀

室家託故不願隨往者朕已為姑容亦不必明指其人夫行圍出獵既以操演技藝練習勞苦尤足以奮發人之志氣乃滿洲等應行勇往之事若惟事偷安不知愧恥則積習相沿實於國勢之隆替甚有關係嗣後倘有不知悛改仍蹈前轍者朕斷不輕為寬宥可徧行傳諭諸王大臣及官兵等知之

七年三月庚辰

諭曰御史叢洞奏稱請停修理熱河一帶行宮以節帑

金而昭聖德等語夫熱河等處行宮為當年

皇祖巡幸駐蹕之所雍正年間

皇考未經出口行圍是以各處行宮皆置之閒曠然亦未嘗不畧為繕補以免傾圮今朕仰承

祖制欲舉臨邊講武之禮舊日所有行宮酌加修葺此亦事理之不得不然者我朝土木之工甚少偶有興作亦皆不煩編戶之差徭不動司農之經費斷不至於勞民傷財為盛德之累但念人主一心於土木上多

一分即於政治上減一分此理甚明乃朕時用以省
察者修葺不比營造雖難盡廢其工作有可緩者著
該管官此時緩之

十二年七月更定隨圍蒙古王貝勒貝子公等賞
賜之例凡親王郡王賞上用蟒緞一疋大緞二疋
彭緞二疋貝勒貝子公賞官用蟒緞一疋大緞一
疋官用緞二疋額駙賞官用蟒緞一疋官用緞二
疋扎薩克台吉塔布囊等賞官用蟒緞一疋官用

綴一疋

御製避暑山莊百韻詩勒石於永佑寺

御製避暑山莊百韻詩序云我

皇祖建此山莊於塞外非為一己之豫遊蓋貽萬世之締構也國家承

天命撫有中外於古未有之地盡入版圖未服之國皆受封爵而四十八旗諸部落屏蔽塞外恭順有加每歲入朝錫賚燕享厥有常典但其人有未出痘者以進

塞為懼延頸舉踵以望六御之臨覲光欽德之念有
同然也我

皇祖俯從其願歲避暑於此鱗集仰流而來者無不滿意
以歸且也三代以上無論矣三代以下享國最久者
莫如漢唐宋明然四姓皆一再世而變亂生焉是豈
天心之急眷亦人事之偷情實致之我

皇祖有鑒於此故自三逆底定之後即不敢以逸豫為念
巡狩之典或一歲而二三舉行耗財勞衆之論夫豈

不慮然而凜

天戒鑒前車察民瘼備邊防合內外之心成鞏固之業習
勞苦之役懲宴安之懷所全者大則其小者有不必
恤矣使誠以遊治是尚即深居九重厭見百辟恣聲
色怠政事誰其禁之而必往來沙塞風塵有所不避
飲食或致不時以是為樂固未見其樂也予小子自
十二歲蒙

皇祖恩養育宮中侍奉左右扈蹕至此親見

皇祖高年鬚白允宜頤養尚且日理萬幾暇則校射習網
閱馬合圍雖

天心之健自強不息亦

聖度之恢與時偕行也故繼序以來敬惟

昔日時巡之意更值四方寧謐之時實不敢使文恬武嬉
以隳

聖祖之家法而每駐蹕山莊羹牆之見雲日之瞻惻然有
不能自己者敬成百韻畧識

皇祖卷阿之遺志并申孫臣孺慕之惓誠云爾

十六年十月甲辰

申諭各省陸路提鎮於冬月照例行圍

諭兵部曰四川提督岳鍾琪奏稱向來直省督撫提鎮均有行圍之例擬於冬三月內農事已畢之時查照往例於成都附郭不近田園之地帶領官兵前往圍獵往返數日親加訓練等語直省營伍操演武藝不過拘泥成法於安營住宿之道馳騁奔走之勞無從

肄習於行陣未有實濟惟行圍可使將弁士卒練習
勤勞岳鍾琪所奏甚為有益著通行各省陸路提鎮
仍照舊例每歲冬季輪派標兵親身督率實力舉行
務使嫻熟嚴整以裨實用但既令出圍若仍復按期
操演兵丁未免過累著於行圍之時酌量停止操演
日期以示體恤并嚴加約束不得蹂踐田園佔宿廬
舍致滋騷擾並不可日久復致廢弛該部即遵諭行

十七年七月

上幸木蘭行圍

御製行圍四詠

塞山萬壑糾獵士五更行

蒙古管圍諸王公每以五更率獵士先往撒圍撒

陣常衝黑成行始質明蠶叢度衽席魚麗辨徽旌曾

不言勞苦嘉哉奉上情

右撒圍

兩旗合帳殿

設布城為看圍所奉覽西翼首旗各馳至此為始

皇太后觀合則衆騎

以次徐進云

千騎列雲涯試看止齋勢端稱左右宜彌縫

休欲速磬控尚需時勒馬平岡待斐然立就詩

右待圍

周陞笑繁重善御信何稱豈有車從獸何殊屠命僧
詭馳我所戒連中衆多能佗藉無須亟留資歲歲仍

右合
園

地不傷農事情還聯衆歡陳牲蔽芳甸頒獲逮儒冠

漢大臣隨園者
頒獲每及之習武毋忘業暢遊亦戒盤控弦教憇

息西日在槍竿右罷
園

御製虎神鎗記勒石於岳樂園場

御製記曰虎神鎗者戎

皇祖所貽武功良具用以殪猛獸者也國家肇興東土累
洽重熙惟是詰戎揚烈之則守而弗失

皇祖歲幸木蘭行圍諸蒙古部落雲集景從予小子雖不
敏繼承之志其敢弗覆故數年以來巡狩塞上一如
曩時蒙業藉

靈四十九旗及青海喀爾喀之仰流而來者亦較前無異
焉若輩皆習射重武使無以示之非所以繼

先志也圍中有虎未嘗不親往射之弓矢所不及則未嘗

不用此鎗用之未嘗不中壬申秋於岳樂園場中獵人以有虎告而未之見也一蒙古云虎匿隔谷山洞間彼親見之相去蓋三百餘步朕約畧向山洞施鎗意以驚使出耳乃正中虎虎咆哮而出負嵎跳躍者久之復入復施一鎗則復中之遂以斃焉蓋向之發無不中乃於谿谷叢薄目所能見之地斯已奇矣而茲岳樂所中則隔谷幽洞並未見耽耽闐如之形於揣度無意間馥焉深入不移時而殪猛獸則奇之最

奇其稱為神良有以也夫萬乘之尊詎宜如孟克特

庫之流誇一夫之勇哉

孟克喀爾沁蒙古人特庫滿洲今為內大臣皆能獨搏猛

獸如馮婦者

而習武示度必資神器以效奇而愉快則是

鎗也與戈和弓同為宗社法守不亦宜乎

二十年八月

上幸木蘭行圍時大兵平定準噶爾綽羅斯台吉噶爾

藏多爾濟等入覲

賜觀圍

二十一年八月

上幸木蘭行圍時都爾伯特台吉伯什阿噶什來覲及
土爾扈特台吉敦多卜達什之使臣吹札布入貢
皆

賜觀圍

二十二年七月

上幸木蘭行圍時哈薩克汗阿布賴使臣肯集哈拉等
入貢

賜觀圖

二十三年七月

上幸木蘭行圍時布魯特使臣車里克齊等先後入貢
皆

賜觀圖

上以西域諸部降附來朝自乙亥丁丑戊寅三年皆適
會於布呼圖口地靈佳兆若有神異改其地名曰
伊綿峪伊綿者

國語會極歸極之義也

十二月癸丑朔副都御史孫灝奏請停止

巡幸索約爾濟

上諭曰孫灝奏請停止明年巡幸索約爾濟一摺朕初閱其辭以為無知罔識事體付之不問而已繼思孫灝此奏其所關於本朝家法及我滿洲風俗人心者甚大有不得明白宣諭者戒

皇祖聖祖仁皇帝臨御六十一年惟恐八旗之衆承平日

久耽於安樂不知以講武習勞為務是以省方問俗
較獵行圍之典歲頻舉行

聖壽既高猶不肯稍自暇逸其所以為萬世子孫計者意
至深遠迨我

皇考世宗憲皇帝十三年中朕與和親王等日聆

庭訓每諄諄以

皇祖之定制貽謀永當效法而深以未遑舉行為憾朕臨

御以來思紹

前徽早夜兢兢罔敢少懈如比年來戡定準夷兩路用兵
我滿洲大臣官兵等皆能踴躍奉命克奏膚功亦由
躬親整率習之有素是以臨事赴機人思自効即此
亦其明驗矣如徒以恭己養安藉口於文恬武嬉之
說朕豈少御園別館足供覽憩而必親御鞍馬時勤
弓矢轉以此為自娛計耶朕今日適閱

聖祖仁皇帝實錄有天下雖太平武備斷不可廢如滿洲
身歷行間隨圍行獵素習勞苦故能服勞若漢人則不

能矣雖由風土不同亦由平日好自安逸所致之

諭恭讀之餘凜然悚惕豈敢一日忘之今孫灝摺內以為
索約爾濟地在京師直北遠與俄羅斯接界一似輕
車前往不無意外之慮者此語尤為笑柄今額駙色
布騰巴爾珠爾及喀爾沁貝子呼圖靈阿扎拉豐阿
俱在朕前試問索約爾濟非即伊等之部落家室耶
伊等非國家教養之子孫臣僕耶以伊等恭誠望幸
迎請猶恐不及而謂有意外之慮當亦夢囈所不應

出此者矣。摺內又稱：「索約爾濟非江浙勝地，可觀等語。」其言更為荒誕。且南巡之舉，豈僅為山水觀覽之娛？上年朕臨徐邳淮泗沮洳之地，為之相視求瘼，䟽洩修防，次第興舉。今歲農事倍收，孫灝寧不聞之乎？且果如孫灝所言，南方為勝賞之地，則索約爾濟之習勞練武所為，固勝於彼，益不可中止矣。至稱隨從侍衛官員人等，長途費重生計艱難，則從前

皇祖時，獨狩之典，歲率二三舉行。彼時大臣中或有外來

卷一百四十一
之助至於侍衛兵丁何嘗不以為苦然正所以教之
節用知艱也且今預借俸餉額外賞給較昔實厚豈
至苦累轉甚於前者若如孫灝之意將使旗人盡忘
淳樸服勤之舊俗而惟漸染漢人陋習人人頽廢自
安文既不文武亦不武如此而後快於孫灝之心則
其心為何心乎至近年來朕每秋獮木蘭恭奉

聖母皇太后安輿竊念

聖躬或致勞勩懇請

駐輦山莊猶未蒙

慈允且屢

垂懿訓示以大義謂

祖制不可少違安逸不可少圖惟恐朕之稍有廢弛此亦
諸王大臣所共知者而孫灝顧以長途往返藉詞緣
飾謂足聳動衆聽耶孫灝以上書房行走之員而識
見舛謬害事如此若侍諸皇子教讀耳濡目染豈獨
貽悞養正之功而已哉副都御史職佐風紀斷非謬

妄之人所可濫竽孫灝著以三品京堂改用將此旨
通行曉諭知之

二十四年三月

諭今歲暫行停往索約爾濟

諭曰朕今歲將幸索約爾濟行圍已於上年降旨令所
司預備馬匹牲畜事宜嗣因將軍兆惠等進勦逆回
相持固守逆渠和卓木等尚未授首今年正當厚集
兵力一舉勦滅方欲暫停巡幸專事軍儲乃當宵旰

籌維未頒明旨而孫灝不知從何處得此信遂以傳止巡幸索約爾濟瀆奏夫索約爾濟乃蒙古部落習勞講武之地朕躬巡幸亦為加恩衆蒙古及簡習兵丁校閱材藝計耳孫灝不知大體妄謂勞民動衆往可畏之地朕轉定欲今歲前往者以此近據科爾沁親王阿拉布坦奏到該處圍場曾被野燒因遣額駙色布騰巴爾珠爾等前往看視今據奏稱圍場雖有被焚之處青草繁蕪無恙蒙古等望幸甚殷惟圍場

野獸不無因火逸出稀少等語往索約爾濟本為行
圍今圍場牲畜既少則轉不如木蘭之可以肄習蒐
獮矣今歲可停往索約爾濟俟一二年後酌量降旨
秋時前往木蘭照例預備所省牲畜用濟軍需亦覺
有益此非返顧却慮依孫灝所奏也將此通行曉諭
知之

建濟爾哈朗圖

行宮自波羅河屯入圍場有二道東道由崖口西道

由濟爾哈朗圖每歲行圍多從崖口出入至是建
行宮於濟爾哈朗圖二十七年復於濟爾哈朗圖之
北建阿穆呼朗圖

行宮制俱朴素取其道里適均往來駐頓不煩供億
也嗣後

車駕行圍若由崖口入則

回鑾由濟爾哈朗圖若由濟爾哈朗圖入則

回鑾由崖口率以為例

二十五年八月

上幸木蘭行圍時哈薩克汗阿布賴使臣都勒特赫勒
等入覲

賜觀圍

御製塞宴四事詩

詐馬

詐馬為蒙古舊俗今漢語俗所謂跑等者是也然元人所云詐馬實咱馬之誤蒙古語謂

掌食之人為咱馬蓋呈馬戲之後則治筵以賜食耳所云只孫乃馬之毛色即今蒙古語所謂積蘇者是亦屬魯魚茲扎薩克於進宴時擇名馬數百列二十里外結束鬣尾去羈鞵馳用幼童皆取其

輕捷致遠以鎗聲為節遞施傳响則衆騎齊騁
城山谷騰躍爭先不踰器刻而達倫其先至者三
十六騎優資有差所以乘遠人講武事也

名王詐馬存遺風獻筵備陳表敬恭廿里以外列駿
驄置郵傳命聽發縱宣教施旣星火紅連聲遞令頃
刻通砰磕萬雷忽落空翩若驚鴻逸若龍雲屯颺歟
倒呂洪旁唐閃霍復春容振陵駭谷躡阜慶平沙草
軟淨瑤瑤駛騃束尾纏其鬣輕方致遠騎以童捷足
獨出傑且雄選三十六惟良駢按第行賞務從豐只

孫古俗想像中和樂還因寓詰戎

什枋

什枋蒙古樂名用以侑食今俗所謂十番或因比楊萬里詩有全番長笛橫腰鼓一曲春

風出塞聲之句蓋樂曲名番本塞外語而傳訛耳其器則結管箏瑟阮火不思之類將進酒輒於筵前鞠脰奏之鼓喉而歌蘇唯赴節有太古之遺音焉

平原擇向圓幕張駱酥乳酒湘黃羊名王捧觴起上
壽較漢公卿禮數詳渾撥四火不思曲長朔管如鞭
吹鳴羽發徵氣內運叩角動商響外披初奏君馬黃
大海之水不可量

曲首句

繼作善哉行無貳無虞式穀

友朋誰云朔漠無古樂絕勝鄭衛為新聲我惟中外一

家用聯上下情亦不多談有虞氏四裔之樂舞於庭

相撲

相撲之戲蒙古所最重筵宴時必陳之國朝亦以是練習健士謂之布庫蒙古語謂之布

克脫帽短襖兩兩相角以搏踣仆地決勝負勝者勞以卮酒厄魯特則袒裼而撲雖踈不釋必控首屈肩至地乃為勝彼嘉其壯賜之羊臠則拱臂探胸顧盼吐吞聲若飲飲其舊俗如此因以示惠云

健兒揎袖短後衣席前相撲呈雄嬉捍拖拘拉矜矜

棋跽踞踞踟躕且踰乘間伺急出以奇恧然躡蹶力

不支勝者賜酒踞飲之別有厄魯均新附其撲法乃

異舊部露身赤脚惟著袴撇捩跣空拳赴失計忽
撲伏地據騰跳翻作康王跨兩肩著地頸倒豎方得
謂之決勝負勝者揚揚意實歡負者反求惟覩顏宣
傳典屬呼來前上方肥羊出厨盤長截大臠如舉山
匕箸不設俾恣餐誰識不足君所言快哉大嚼真壯
觀豈對屠門空望懸跪振雙臂攫且搏左哆右噉直
下咽倏似長鯨吸百川意氣自若殊昂軒均令染指
異腹便小哉食肥張齊賢是蓋衛拉舊俗傳示恩獎

勇一試旃食罷命前面詢馬弗如茲食閱十年據云準噶

爾自喇嘛達爾扎構勞以來日就凋敝不得如此飽啖者十年於茲矣

教駝

教駝攻駒周禮全載然後世僅知攻駒而不教駝蒙古則熟習其法謂之騎額爾敏達

駝馬三歲以上曰達駝額爾敏則未施鞍勒者也每歲扎薩克於所部駝生馬多羣至宴所散逸原野諸王公子弟雄傑者執長竿馳繫之加以羈韁始則怒騁駝趨或稀覯人立嘶齧需殷駝者騰蹕而上控掣自如須臾調良率得良馬

一歲為駒不勝鞍三歲為駝始堪教夏官庾人早失

傳未若朔漠存古調扎薩獻宴必備觀分羣別色陳

平原璽廬賜食較撲罷按轡一覽同名藩名藩子弟

皆吉服上馬執竿好結束

馭生馬者必馳騎逐之禡衣綰帶持尋丈竿繫革纒

其上以為控繫俗云套馬竿

毆來萬錦款披前光采陸離紛奪目

薄言駟者有驕皇駢騶駘駟駟黃繫之維之取傑

驚絀絆未及先跳梁齧草飲水本天性鞿轡乍拘自

覺病驚軼狂擲詎能無處之以暇堪力勝牽來蹠蹠

人爭騎驚跨那待羈馮施擢足軒立忽落地翻身騰

鷗捷于飛盡態極變不可狀驛突雄驅若翻浪毛龍

逸虎旋就馴人有餘閒據馬上馳驟寧供耳目娛
騃耳中掄諸憑閱考牧悟至理不教而成事所無
二十七年七月

上幸木蘭行圍是歲哈薩克汗阿布賚遣陪臣蘇爾統
都勒特赫勒等入覲

賜觀圍

三十二年八月

上幸木蘭行圍時哈薩克陪臣公品級杜勒克勒等入

覲

上宣見

賜以橐鞬裘服并令隨圍從觀

三十五年八月

上幸木蘭行圍時喀爾沁郡王拉特那錫第等於

行營南門外設大氊廬進

上膳

三十七年八月

上幸木蘭行圍是年定圍場數為十五

臣等謹按恭逢

皇上下獵或十八九圍或二十圍馳射之事所以示衆
蒙古也今圍場定為十五九月朔已獵十圍恭讀
御製有曰減期圖速返臨樂戒淹留仰見

聖壽已逾六旬恭承

皇太后懿旨不復久駐行圍

聖孝性成真越千古矣

三十八年八月

上幸木蘭行圍

上自行營度齊爾伯庫嶺甫七里即停蹕傳膳因

賜扈從近臣及隨圍蒙古王公并入覲之士爾扈特等

朝餐饗人調味

親為指授劑和俾皆饜飫

御製恭題

皇祖御用韝

恭錄

御製序

我朝

家法相承肆勤尚射

皇祖神勇天錫臨御六十一年秋獮冬狩之典歲必舉行

往往

親御威弧殪禽服猛獫乎偉哉余髫年蒙被

恩眷養育宮中幸得隨侍木蘭

行圍仰瞻

聖武追念

祖德迄今不敢忘茲恭閱舊藏

御用韞十有二或革或角規制樸堅撫思鉤弦聞體之精

想見

壹發參連之妙夫書策手澤所存尚且守而弗數矧為法
先詒後之良謨勵繼繩而彰赫濯其實重更當何如敬合
弄篋衍什襲用珍并係長言以識永久今和闡歲貢

嘉玉中韞材者不一而足雖琛賁徠遐瑞符延喜詎
若此

觀德示儉之昭垂萬世哉

四十年九月

上幸木蘭行圍凡近崖口處獸尚少是時

上初入崖口祇射一箭即中一麀駐

行營後適將軍阿桂等奏至現已合圍勒烏圍指日
可克既

批答諭示即以所射之麋

賜阿桂豐昇額明亮俾均愷惠是年

皇曾孫奕純九歲即隨圍

四十一年八月

上幸木蘭行圍

臣等謹按

上幸木蘭向無乘輿之事近因

聖壽已逾六旬數年來自

行營至看城始乘肩輿以避曉涼若上圍則仍乘馬
如前扈獵諸藩部同聲歡忭真千古所未有也

御製蒐苗獮狩說

傳論春蒐夏苗秋獮冬狩各具時義言固引而未發
至所稱皆於農隙以講事吾不能無疑焉夫秋冬或
有農隙至於春夏則自播種以至刈穫其間耘耨灌
溉較晴量雨炙背胝足苦哉耕夫蓋無一時之安心
息力而謂之有農隙可乎嘗思蒐苗從草獮狩從犬

古人制字蓋有深意杜注苗為苗除害是矣而所云
蒐索擇取不孕者猶未免以辭害義夫禽獸固族聚
而類處使擇牡而驚其牝則孕者不能無傷豈育物
之仁哉則所為蒐索者亦以蒐索其害苗為當至於
獮狩皆從犬則誠守而取之順殺氣而獮之是則春
夏之取獸繫乎田秋冬之取獸繫乎獸而義明矣雖
然更有說焉古時地廣人稀故田或游獸而有蒐苗
之事以除其害今及腹裏以及邊壤地無不耕安得

有禽獸害苗之事乎若夫園場之地原自不耕則所為蒐索其不孕而肥者與夫初生如苗者以嘗新繹其義亦未嘗不通而實非古人所解者矣

四十五年五月

諭曰今年係朕七旬萬壽辦理班禪額爾德尼前來熱河朝覲筵宴念經等事過朕萬壽後始念濟爾嚕經俟念完時再行進哨未免太遲今歲不必進哨將此曉諭各該處所有進哨俱著停止

四十六年八月

上幸木蘭行圍

臣等恭讀

御製雜詠注云從獵蒙古王公內札薩克四十九旗又喀爾喀四部及四衛拉特再青海等部落各札薩克不下百餘旗仰見我朝中外一家實史冊所未睹云木蘭行圍儀凡秋獮設圍場於古北口外曰木蘭以總管掌其地政歲遇

皇帝行圍既奉

旨總理行營王大臣奏請嚮導官一人先莅圍場於

鑾輿所經之地除道清軌行文所司儲備宗人府內閣

部院奏請

欽命扈從王公各官八旗護軍統領請

命統領一人營總三人其叅領以下及護軍由八旗酌

委奏

聞先期由兵部行文駐防將軍都統副都統各選所屬

官兵材藝優長者分班遣赴

京師隨圍學習藩院行文扎薩克王公等選獵士

一千二百五十人從

喀喇沁翁牛特共一千名
漢五十名科爾沁一百名巴

林克西克騰共一百名又喀喇沁派圍場夥計槍
手六名隨圍槍手六名哈嘛爾三十名打鹿槍手
四十名喀喇沁土默特翁牛特派
嚮導一百名長槍手一百二十名蒙古諸王公台

吉應隨圍請

安者令具至波羅河屯祇竣先期一日遣官祇告

奉先殿至日

皇帝御征衣乘馬出宮翊衛諸臣前引後扈百官采服
跪送均如

巡幸儀

行營駐蹕護軍統領營總各一人率護軍叅領護軍校
護軍先蒞其地度地廣狹以立

御營禁隨

駕官兵踐禾稼擾吏民營總巡警嚴譏察止夜行違者
論如法既至

行在兵部頒行圍禁令

欽命統圍大臣數人先涖圍場按旗為隊分兩翼斜行
成列各建纛以為表前哨左右用藍兩協左白右
紅中軍用黃前哨馳而進則後隊以次隨發繞圍
場蟬聯環匝由遠而近毋差池毋間斷行圍之日
五鼓管圍諸王公率獵士先往撒圍所司設

幔城於圍所奉

皇太后觀覽

皇帝臨圍場親御弓矢圍合獸突

皇帝發矢殪之

御前大臣侍衛皆射軼於圍外者從官追射遇大獸虎鎗官兵從之既獲獸各比次其類以獻

駕還行營以所獲獸分頒扈從諸臣

大獮禮成

賜宴賞賚有差

南苑行圍儀凡田於近郊設圍場於

南苑以奉宸苑領之統圍大臣督八旗統領等各率所屬官兵先莅圍場布列鑲黃正白鑲白正藍四旗以次列於左正黃正紅鑲紅鑲藍四旗以次列於右兩翼各建纛以為表兩哨前隊用白兩協用黃中軍用鑲黃

駕至圍場合圍校獵與前制同

巡幸所至行圍儀凡

巡幸所至各備圍場

車駕東巡由兵部移文

盛京等處將軍經行蒙古諸部由理藩院行知扎薩克王等各率所屬官兵以從

命統圍大臣分翼合圍均如前制

蒙古王公等隨圍例凡內扎薩克四十九旗王貝勒貝子公台吉塔布囊分三班每年輪班朝賀後仍往木蘭隨圍

御前行走之貝子公等

乾清門行走之公台吉額駙等分兩班每年輪班朝賀後仍往木蘭隨圍閒散行走之額駙分三班每年輪班隨圍木蘭後即入京朝賀喀爾喀青海汗王貝勒貝子公台吉分四班來京其未出痘者祇往木蘭請

安未分班之厄魯特王公等聽其自行來京或往木蘭請

安又喀爾喀四部內未出痘之王公每年以十人隨圍

由定邊左副將軍酌派

駕幸木蘭行圍外藩進宴儀凡

車駕行圍木蘭蒙古卓索圖召烏達二盟長例進宴一

次設蒙古帳房六座白駝十八鞍馬十八驛馬一

百六十二牛十八羊一百六十二酒八十一罈食

品二十七桌撲跌人二十名歌蒙古曲人九名生

駒一千匹騎生駒人二十名賽跑馬二百五十匹

先期呈

行在理藩院奏

聞並列各蒙古王公職名具奏請

旨派一人進爵屆期武備院官將所進蒙古帳房設一

架於

皇太后看城內餘設

行營月牙城內所進駝馬牛羊等俱列於道傍

駕至理藩院官引蒙古王公台吉等在月牙城外跪迎

駕陞帳殿寶座理藩院官引帳殿內應坐之蒙古王公

等入列坐於左右其餘分坐於兩旁所設帳房內
皇帝進茶諸王公等俱興行一叩禮次

賜諸王公茶復叩飲畢坐

皇帝進膳有司恭捧

御爵實酒進爵者出班跪接爵恭進

御座前退復位跪一叩衆皆跪叩進爵者興詣

御座前受虛爵退有司承

旨賜進爵者酒進爵者跪飲畢復叩首興復於原坐處

賜蒙古王公台吉等食侍衛等分遞酒於蒙古王等各
以次徧是時綽爾濟人及歌蒙古曲人以次入侑
皇帝進膳畢獻茶乃陳相撲之戲次觀蒙古王公子弟

騎生駒宴畢

皇帝還行宮諸王公台吉等於原接處跪送如儀

御製哨鹿賦

有序

賦者古詩之流詩以言志其有不能盡言之志則賦
可以申之我

皇祖昔喜哨鹿朕冲齡隨侍習聞其事年來乃親試為之

嘉其有合於聖經顧古人無賦之者故不愧無文其

辭曰伊白露宵中之候正伊尼孳尾之時生不息焉

洪均運而誰測物雖蠢也氣機至而咸知故三序春

冬則牝牡各從其類謂牝隨牝羣壯逐壯侶惟中去聲秋斯牝牡

各婉其妃謂牝各分羣而匹牡强有力者不惟挾兩而累十弱

無能者或乏獨匹以相隨或依林而命侶或據巔而

分畿或悍害而傲衆或謹守而自持或豪斂而攘彼

或竊取以私其萬態紛其莫窮一以音而宣之於是

虞人善因聲以察情爰體情以斲聲喜金風之颯爽

值玉宇之晶明霜重而不言其冷露濃而那覺其零

陵嶮巖而如登衽席冒蒙茸而不異戶庭慮吾遊之

宴起虞原獸之急鳴

鹿迨晨則懶鳴哨亦不進故哨鹿者恒於未曙前即往

夙

戒僕而奚從欣戴月而披星舍彼寬衣宜茲短服荷

長哨於左肩

以木為哨鹿之其呦呦以鳴

出象首於右麓

象鹿之首人戴

之則鹿

躡增陟巉沿谿穿谷攀蘿兮豈辭胼手履石

不疑

兮何妨。魁尺蓋以暢茲心神。詎惟饕其口腹於馬。蹇
乎崔嵬。執彼參差。上干丹楓之嶽。下視白雲之隈。上
風發切之避。忌陽林晃耀。則紆迴就叢薄之蔽。翳反
猶表而穩。邇衆條理焉畢會。乃得傑雄之爭匹者。吻
踉蹌而徐來。角八叉兮嶷嶷。耳雙聳兮濕濕。挺強項
兮莫撓。轟靈鼻兮善綴。始嚇侶兮自閑。乃妬異兮矜
急。既澁澁兮疾赴。復驚驚兮少戢。蓋屢試兮絕猜。遂
銳志兮直入。爾其動林無形。匪風有響。適其將至。撒

當懼往奮角思觸剝吮爭長則在夫能哨者善達變
以隨機比用中而執兩或激其怒兮使進或示以弱
兮令放惟察情之喜怒乃應聲為低仰蓋用心於既
去斯通靈而不爽既然矣無動無慮不徐不遽薦鏖
合之前陳陟應叱而少住屏營收息量卑揣高傍斗
寃星躔上施星十
所以審高低度分以毫審度發機馥焉中膏命
處擇肥登於大庖若夫多疑旁別既進中止膽劣心
獨狐猜狼視未交戰而長跳毆叢櫟而如駛則亦比

之窮寇之莫追又何必焚林而盡取哉蓋嘗研精哨
鹿之理而知五德焉取一以新匪二以類仁也逆者
斃之去者寘之義也爰登簞簋爰嘏福履禮也招之
即至獲之即遂智也呼哨以進射宿凜訓信也如是
者蓋有合於聖人之洪道而又豈潘岳耽盤流遁之
所誠相如子虛上林之所嘲也哉

御製後哨鹿賦

或問哨鹿之時之法之義蓋已蘊賅前賦矣若夫冒

凜冽之霜晨衝蒙翳之林薄踐岑峯之巉峯涉沮洳
之幽壑十哨未必一來十來未必一獲獲乃心忻失
斯興索多見其勞鮮聞其樂則何不張堂堂之圍按
徐徐之度收藉藉之富免皇皇之謔而故為是寒征
而曉作者何哉曰吁是何言耶是何言耶見主障葛
燈而喟為已過者非忘其先也耶逸則淫而勞則思
季氏之婦猶聞之固可弛其惕乾耶或曰惕乾者蓋
不若是矣意者慎大寶居法宮屏九御接三公幼農

政熙天工豈謂當即鹿於墮中耶曰子知其一未知
其二坐吾語汝賦以見茲若夫高談堯舜深處廊廟
文恬武嬉內弱外強孰不喜夫逸體而庸詎知其頽
網也哉且也身歷其難者告之以人之難而知而不
知人之餒者方謂何不食肉糜也是以神區天闕後
法

先垂詰戎習衆謹度節時圖以示正哨以出奇得之艱者
趨斯永躬其勞者樂亦隨蓋理境之當窮可絜矩而

深思也於是秋本蕭辰寒猶淒所宵風定兮林靜曉
月上兮山岨儻儻者妬羣俟俟者攜侶遵彼蹢蹢之
蹊如或殷殷而佇吹長哨以通情似應聲而答語去
亦弗追來亦弗拒則有强者捍捩弱者趑趄猜者飄
瞥怯者踟躕慷慨者悻性昏瞽者糢糊隨人情之萬
態亦奚有以異諸緣輟物來獲一勝百其求也亦惟
去之是慮其獲也夫何失之足惜去與來固難期之
儻然失與獲亦無定之屢易吾因以叅如幻於現前

愛景光而為適也。爾其問夜宵衣，據鞍策馬，萬帳燈
明，七萃聲寡。是則始出營而覽離奇，晃耀之狀也。若
夫炬影漸遠，夜色猶暝。峯嶺纔分，林樹未形。乍如夢
遊玉樓，十二仙人。京乃其曉，蟾初吐。或半或圓，隔葉
激露。度水翻瀾，又如虹橋可躡。徑欲造廣寒，高山出
雲雲去。山在變幻頃刻，步移觀改。則何異夫黃山之
海赤鳥扶桑霧斂，氛開放。瑰靺鞨熊熊回回，又奚數
其初陽之臺於焉入深樾。凌崇巒，密容單騎，踈見線。

天千年落葉鱗緘谷填色作黃金風吹不翻臭如沉
水履若罽羶羶徊乎靜真乎忽訝夫身入布地之園
而伊尼之羣方且左右前後與人周旋失兮獲兮勞
兮樂兮率已相忘於無何有之禪矣問者茫然不知
所謂懣懣跼蹐唯唯而退

臣等謹按哨鹿之法於古未聞遼史營衛志秋捺
鉢曰伏虎林每歲車駕至皇族而下分布灤水側
伺夜將半鹿飲鹹水令獵人吹角效鹿鳴既集而

射之謂之舐齠鹿又名呼鹿殆即其遺法歟我

朝歲舉校獵之典而哨鹿亦兼行之圍場稱木蘭者
因哨鹿而得名也會典未載哨鹿之法恭讀

御製哨鹿二賦體鹿情之聚散狀哨法之精微至理之
該括靡遺辛苦之形神曲繪發宣

祖德如見宵衣問夜之勤雅合聖經不忘文恬武嬉之戒
大哉

王言蔑以加矣謹載於篇以昭典故焉

皇朝文獻通考卷一百四十

欽定四庫全書

史部

皇朝文獻通考卷一百四十一至
三

府丞臣龔勝文覆勘

總校官中書臣孫溶

欽定四庫全書

皇朝文獻通考卷一百四十二

主禮考

升士

皇帝冠服

皇帝親手以下至臣工冠服附

臣等謹按孟冬始裘孟夏始絺因乎寒燠之時千古不可變者先儒泥周禮祀昊天上帝則大裘而冕之文謂祀地亦服大裘不知夏至非服裘之時此泥古而因者也若夫冠服之制或因於古或因

於今母追委貌夏周之式各殊縫掖章甫宋魯之
俗攸別紗幘行而麻冕皮弁之制廢革鞬著而青
絢黃纁之用微古稱紅紫不為褻服而唐以後貴
官始得賜紫古以頭巾為賤者之服而宋世諸帝
常朝燕坐亦御頭巾蓋古今之時不同毋庸相襲
宋儒邵雍亦有今人不敢服古衣之說洵有得乎
禮從宜之旨已我

國家龍興東土風尚朴淳衣冠多從儉約古服燕服

各隨所宜

列聖相承世守罔替臣等恭讀

皇上欽定皇朝禮器圖式

御製序文有云籩豆簠簋所以事神明也前代以盥盤
充數朕則依古改之至於衣冠乃一代昭度夏收殷
尋本不相襲朕則依我朝之舊而不敢改焉恐後之
人執朕此舉而議及衣冠則朕為得罪

祖宗之人矣此大不可且北魏遼金以及有元凡改漢衣

卷一百四十一
冠者無不一再世而亡後之子孫能以朕志為志者
必不惑於流言於以綿國祚承

天祐於萬斯年勿替引之可不慎乎可不戒乎至矣哉

聖人之恪守

家法防微杜漸如是洵足為億萬禩之金鑑矣歷代史興
服志備載冠服制度馬氏王禮考有君臣冠冕服
章一門五朝考亦從其例茲據

皇朝禮器圖式以類叙次恭載

至尊朝祭冠服朝珠佩帶以至

皇子諸王公品官各有等差咸著於篇

崇德二年四月

諭曰昔金熙宗及金主亮廢其祖宗時衣冠儀度循漢人之俗遂服漢人衣冠盡忘本國言語迨至世宗始復舊制衣冠凡語言及騎射之事時諭子孫勤加學習如元王馬大郭遇漢人訟事則以漢語訊之有女直人訟事則以女直語訊之世宗聞之以其未忘女直之言甚為嘉

許此本國衣冠言語不可輕變也我國家以騎射為業
今若不時親弓矢惟耽宴樂則田獵行陣之事必致疎
曠武備何由而得習乎蓋射獵者演武之法服制者立
國之經朕欲爾等時時不忘騎射勤練士卒凡出師田
獵許服便服其餘俱令遵照國初之制仍服朝衣且諄
諄訓諭者非為目前起見也及朕之身豈有習於漢俗
之理正欲爾等識之於心轉相告誡使後世子孫遵守
毋變棄

祖宗之制耳

順治八年閏二月御史匡蘭兆奏言朝祭宜用袞冕得

旨一代自有制度朝廷惟在敬

天愛民治安天下何必用袞冕

乾隆三十二年五月戶部奏臣等恭校禮器圖冠服一門惟雨衣之制向未詳備嗣後文武三品以下官員請分別雨帽邊頂鑲用采色以辨等威恭

候

欽定增入冠服圖會典永遠遵行奉

旨所奏是應照此辦理

三十七年十月

諭曰朕閱三通館進呈所纂嘉禮考內於遼金元各代
冠服之制叙次殊未明晰遼金元衣冠初未嘗不循
其國俗後乃改用漢唐儀式其因革次第原非出於
一時即如金代朝祭之服其先雖加文飾未至盡去

其舊至章帝乃槩為更制是應詳考銓次以徵蔑棄
舊典之由並酌入按語俾後人知所鑒戒於輯書闕
鍵方為有當若遠及元可例推矣茲因編訂皇朝禮
器圖曾親製序文以衣冠必不可輕言改易及批通
鑑輯覽又一發明其義誠以衣冠為一代昭度夏
收殷尋本不相沿襲凡一朝所用原自有法程所謂
禮不忘其本也自北魏始有易服之說至遠金元諸
君浮慕好名一再世輒改衣冠盡失其純樸素風傳

之未久國勢寢弱游及淪胥蓋變本忘先而隱患中
之覆轍具在深可畏也況揆其所以議改者不過云
袞冕備章文物足觀耳殊不知潤色彰身即取其文
亦何必僅沿其式如本朝所定朝祀之服山龍藻火
燦然具列悉皆義本禮經更何通天絳紗之足云耶
且祀莫尊於

天

祖禮莫隆於

郊

廣溯其昭格之本要在乎誠敬感通不在乎衣冠規制夫萬物本乎天人本乎祖推原其義實

天遠而

祖近設使輕言改服即已先忘

祖宗將何以上祀

天地經言仁人饗帝孝子饗親試問仁人孝子豈二人乎不能饗親顧能饗帝乎朕確然有見於此是以不憚

醇覆教戒俾後世子孫知所法守是創論實格論也
所願奕葉子孫深維根本之計毋為流言所惑永永
恪遵朕訓庶幾不為獲罪

祖宗之人方為能享

上帝之主於以永綿國家億萬年無疆之景祚實有厚望
焉其嘉禮考仍交館臣悉心確核遽金元改制時代
先後逐一臚載再加按語證明改繕進呈候朕鑒定
昭示來許並將此申諭中外仍錄一通懸勒上書房

四十一年四月

諭曰阿桂既已賞給寶石頂四團龍補褂金黃帶令其服用著再加恩賞穿四開裾袍

皇帝朝冠

冬用薰貂黑狐惟其時上綴朱緯頂三層貫東珠各一皆承以金龍各四飾東珠如其數上銜大珍珠一夏織玉草或藤絲竹絲為之緣石青片金二層裏用紅片金或紅紗上綴朱緯前綴金佛飾東

珠十五後綴舍林飾東珠七頂制同

皇帝吉服冠

冬用海龍薰貂紫貂惟其時上綴朱緯頂滿花金
座上銜大珍珠一夏織玉草或藤絲竹絲為之紅
紗網裏石青片金緣上綴朱緯頂制同

皇帝常服冠

紅絨結頂餘俱如吉服冠

皇帝端罩

以紫貂皮及黑狐為之明黃緞裏左右垂帶各二
下廣而銳色與裏同

皇帝衮服

色用石青棉袷紗裏惟其時繡文五爪正面金龍
四團兩肩前後各一其章左日右月前後萬壽篆
文間以五色雲

皇帝朝服

色用明黃惟祀

天用藍

朝日用紅

夕月用月白棉袷紗裘惟其時披領及袖俱石青片金
緣冬加海龍緣繡文兩肩前後正龍各一要帷行
龍五袷正龍一襖積前後團龍各九裳正龍二行
龍四披領行龍二袖端正龍各一列十二章日月
星辰山龍華蟲黼黻在衣宗彝藻火粉米在裳間
以五色雲下幅八寶平水十一月朔至上元披領

及裳俱表以紫貂袖端薰貂繡文兩肩前後正龍
各一襕積行龍六列十二章俱在衣間以五色雲
皇帝龍袍

色用明黃棉袷紗裘惟其時領袖俱石青片金緣
繡文金龍九列十二章間以五色雲領前後正龍
各一左右及交襟處行龍各一袖端正龍各一下
幅八寶立水裾左右開

皇帝常服褂

色用石青花文隨所御棉袷紗裘惟其時

皇帝常服袍

色及花文隨所御裾左右開棉袷紗裘惟其時

皇帝朝珠

絛皆明黃色吉服朝珠珍寶隨所御大典禮朝珠
用東珠一百有八佛頭記念背雲大小墜雜飾各
從其宜惟祀

天以青金石為飾祀

地珠用蜜蠟

朝日用珊瑚

夕月用綠松石

皇帝朝帶

色用明黃龍文金圓版四飾紅寶石或藍寶石及
綠松石每具銜東珠五圍珍珠二十左右佩帔淺
藍及白各一下廣而銳中約鏤金圓結飾寶如版
圍珠各三十佩囊文繡燧觚刀削結佩惟宜絛皆

明黃色凡祭祀龍文金方版四其飾祀

天用青金石祀

地用黃玉

朝日用珊瑚

夕月用白玉每具銜東珠五佩盼及絛惟祀

天用純青餘如圓版朝帶之制中約圓結如版飾銜東珠

各四佩囊純石青左觶右削並從版色吉服常服

帶鏤金版四方圓惟便銜以珠玉雜寶各從其宜

左右佩帨純白下直而齊中約金結如版飾餘制

同

皇帝雨冠雨衣雨裳之制皆用明黃色纁及羽綈油綯

惟其時

皇子朝冠

親王同

冬用薰貂青狐惟其時上綴朱緯

其制下達文武一品皆同後不

具詳頂金龍二層飾東珠十上銜紅寶石夏織玉草

或藤絲竹絲為之緣石青片金二層裏用紅片金

或紅紗上綴朱緯前綴舍林飾東珠五後綴金花
飾東珠四頂制同

皇子吉服冠

冬用海龍薰貂紫貂惟其時上綴朱緯紅絨結頂
夏織玉草或藤絲竹絲為之紅紗紬裏石青片金
緣上綴朱緯頂制同

皇子端罩

紫貂為之金黃緞裏左右垂帶各二下廣而銳色

與裏同

皇子龍褂

色用石青繡文五爪正面金龍四圍兩肩前後各一間以五色雲棉袷紗裏惟其時

皇子朝服

色用金黃披領及袖俱石青片金緣冬加海龍緣繡文兩肩前後正龍各一要惟行龍四裳行龍八披領行龍二袖端正龍各一下幅八寶平水十一

月朔至上元披領及裳俱表以紫貂袖端薰貂繡
文兩肩前後正龍各一襞積行龍六間以五色雲
皇子蟒袍

色用金黃片金緣繡文通九蟒裾左右開
制達宗室後不
具詳

皇子朝珠
親王世子
郡王同

絛皆金黃色自東珠外隨所用雜飾惟宜

皇子朝帶
親王同

色用金黃金銜玉方版四每具飾東珠四中飾貓
睛石一左右佩絛如帶色吉服帶色同版飾惟宜
皇子雨冠雨衣雨裳之制均用紅色羶及羽紗油紬
惟其時

親王吉服冠

下至貝勒皆同

冬用海龍薰貂紫貂惟其時夏織玉草或藤絲竹
絲為之紅紗綢裏石青片金緣上綴朱緯

其制下達庶官

皆同後頂用紅寶石曾

賜紅絨結頂者亦得用之

親王端罩

下至貝子國倫額駙皆同

青狐為之月白緞裏曾

賜金黃色者亦得用之左右垂帶各二下廣而銳色與

裏同

親王補服

世子同

色用石青繡五爪金龍四團前後正龍兩肩行龍

親王朝服蟒袍

世子郡王同

藍及石青諸色隨所用曾

賜金黃者亦得用之

餘如皇子朝服蟒袍之制

親王坐褥

冬用狴狓緣貂皮夏用五爪蟒龍紅緞襯紅白

氈

餘皆如皇子

世子朝冠

頂金龍二層飾東珠九上銜紅寶石夏朝冠前綴

舍利飾東珠五後綴金花飾東珠四

世子朝帶

色用金黃銜玉方版四每具飾東珠三左右佩綵

如帶色吉服帶色同

北宗室帶色皆如之覺羅用紅

世子坐褥

冬用貂皮緣獐獐獐夏用四爪蟒文藍緞

餘親王如

郡王朝冠

頂金龍二層飾東珠八上銜紅寶石夏朝冠前綴

舍利飾東珠四後綴金花飾東珠三

郡王補服

色用石青繡五爪行龍四團兩肩前後各一

郡王朝帶

色用金黃金銜玉方版四每具飾東珠二貓睛石

一左右佩絛如帶色

餘皆如親王世子

貝勒朝冠

頂金龍二層飾東珠七上銜紅寶石夏朝冠前綴

舍林飾東珠三後綴金花飾東珠二

貝勒補服

色用石青前後繡四爪正蟒各一團

貝勒朝服

下至輔國公和碩額駙皆同

色自金黃外隨所用披領及袖俱石青片金緣冬加海龍緣繡文兩肩前後正蟒各一要帷行蟒四裳行蟒八披領行蟒二袖端正蟒各一下幅八寶平水十一月朔至上元披領及裳俱表以紫貂袖端黃貂繡文兩肩前後正蟒各一襲積行蟒六間以五色雲

貝勒蟒袍

下至輔國公和碩額駙皆同

色自金黃外隨所用片金緣繡文通九蟒皆四爪

貝勒朝珠

下至輔國公和碩額駙皆同

緋用石青色

貝勒朝帶

帶色用金黃金銜玉方版四每具飾東珠二佩緋

皆石青色

餘如郡王

貝子朝冠

固倫額駙同

頂金龍二層飾東珠六上銜紅寶石夏朝冠前綴

舍林飾東珠二後綴金花飾東珠一吉服冠用紅

寶石圓頂

固倫額駙用珊瑚乾隆五十二年遵
旨照固倫額駙色布騰巴爾珠爾之

例戴紅寶

石帽頂

皆戴三眼孔雀翎

貝子補服

固倫額駙同

色用石青前後繡四爪行蟒各一團

貝子朝帶

色用金黃金銜玉方版四每具飾東珠一

貝子坐褥

冬用白豹皮夏用藍緞緣以粧緞

餘皆如貝勒

固倫額駙朝帶

色用石青或藍金銜玉圓版四每具飾東珠一左右佩絛皆石青色吉服帶色同

鎮國公朝冠

和碩額駙同

頂金龍二層飾東珠五上銜紅寶石夏朝冠前後舍林飾東珠一後綴金花飾綠松石一吉服冠用

珊瑚圓頂

入八分公用紅寶石

俱戴雙眼孔雀翎

鎮國公端罩

輔國公和碩額駙同

紫貂為之月白緞裏左右垂帶各二下廣而銳色

與裏同

鎮國公補服

輔國公和碩額駙同

色用石青前後繡四爪正蟒方補

鎮國公朝帶

輔國公同

每具飾貓睛石一

鎮國公坐褥

冬用紅豹皮夏用紅閃緞襯紅氈

餘皆如貝子

輔國公朝冠

頂金龍二層飾東珠四

輔國公坐褥

冬用紅豹皮去首尾夏用青閃緞

餘制俱與鎮國公同

和碩額駙朝帶

每具飾貓睛石一

餘如固倫額駙朝帶之制

民公朝冠

頂鏤花金座中飾東珠四上銜紅寶石吉服冠用

珊瑚圓頂

民公端罩

侯伯子男輔國將軍郡
主額駙孫主額駙同

貂皮為之藍緞裏左右垂帶各二下廣而銳色與

裏同

民公補服

侯伯
同

色用石青前後繡四爪正蟒

民公朝服

侯伯子男輔國將軍
主頭駙縣主頭駙同

藍及石青諸色隨所用披領及袖俱石青片金緣
冬加海龍緣兩肩前後正蟒各一要惟行蟒四中
有襍積裳行蟒八十一月朔至上元披領及裳俱
表以紫貂袖端薰貂兩肩前後正蟒各一襍積行
蟒四皆四爪曾

賜五爪蟒緞者亦得用之

民公蟒袍

侯伯子男及奉國將軍
郡君頭駙以上皆同

藍及石青諸色隨所用通繡九蟒皆四爪曾

賜五爪蟒緞者亦得用之

民公朝珠

侯伯子男及奉恩將軍
縣君額駙以上皆同

珊瑚青金綠松蜜珀隨所用雜飾惟宜絳用石青
色

民公朝帶

色用石青或藍鏤金銜玉圓版四每具飾貓睛石

一佩帔下廣而銳

帶色下達庶官
皆同後不具詳

吉服帶色同佩

帔下直而齊版飾惟宜

下達庶官並如之

民公雨冠雨衣雨裳均用紅色

民公坐褥

冬用虎皮夏用青閃緞襯紅氍

侯朝冠

頂鏤花金座中飾東珠三上銜紅寶石吉服冠用

珊瑚圓頂

侯朝帶

郡主額駙同

鏤金銜玉圓版四每具飾綠松石一

侯坐褥

冬用虎皮去首尾夏用青色綠花閃緞

餘皆如公

伯朝冠

頂鏤花金座中飾東珠二上銜紅寶石吉服冠用

珊瑚圓頂

伯朝帶

鏤金銜玉圓版四每具飾紅寶石一

伯坐褥

冬用虎皮去首尾夏用藍雲緞

餘皆如侯

子朝冠

鎮國將軍郡主顏駙同

頂鏤花金座中飾東珠一上銜紅寶石吉服冠用

珊瑚圓頂

子補服

鎮國將軍郡主顏駙同

色用石青前後繡麒麟

子朝帶

鍤金銜玉方版四每具飾紅寶石一餘皆視一品

鎮國將軍帶色
用金黃條制同

男朝冠

輔國將軍
主額駙同

頂鍤花金座中飾紅寶石一上銜鍤花珊瑚吉服

冠用鍤花珊瑚圓頂

男補服

輔國將軍
主額駙同

色用石青前後繡獅

男朝帶

縣主額
駙同

鍤金圓版四每具飾紅寶石一餘皆視二品

輔國將軍

帶色用金

黃餘制同

奉國將軍朝冠

郡君類
駙同

頂鍤花金座中飾紅寶石一上銜藍寶石吉服冠

用藍寶石圓頂

奉國將軍補服

郡君類
駙同

色用石青前後綳豹

奉國將軍朝服

奉恩將軍
駙同

藍及石青諸色隨所用披領及袖俱石青片金緣
冬加海龍緣兩肩前後正蟒各一耍帷行蟒四中
有襪積裳行蟒八

鄉君頭銜色用石青前後方襪
行蟒各一中有襪積片金緣

奉國將軍朝帶

色用金黃鏤花金圓版四

郡君頭銜帶色用
石青或藍餘制同

奉恩將軍朝冠

縣君頭
銜同

頂鏤花金座中飾藍寶石一上銜青金石吉服冠

用青金石圓頂

鄉君頭銜上銜
水晶餘制同

奉恩將軍補服

縣君顏駙同

駢同

色用石青前後繡虎

鄉君頭
附續熊

駙繡

奉恩將軍蟒袍

縣君顏駙同鄉

君頌

藍及石青諸色隨所用通繡八蟒皆四爪

奉恩將軍朝帶

色用金黃銀銜鏤花金圓版四

驂縣君色用石青飾鏤

駢色

用石

青

飾
鐘

金方鐵版

版
四

一品官朝冠

薰貂紫貂青狐皆得用頂鏤花金座中飾東珠一
上銜紅寶石常服冠用珊瑚圓頂

一品官補服

文職繡鶴惟都御史繡獬豸武職皆繡麒麟

一品官朝服

緞紗隨時自黃色外皆得用披領及袖俱石青片
金緣冬加海龍緣十一月朔至上元披領及裳表
以紫貂袖端亦如之繡正蟒行蟒皆四爪

文二品
三品武

二品及一等
侍衛並同

一品官蟒袍

緞紗隨時自黃色外皆得用繡四爪蟒九

三品以上及一

等侍衛
並同

一品官朝帶

色用石青或藍鏤金銜玉方版四每具飾紅寶石

一

一品官端罩

貂皮為之左右垂藍緞帶各二

文二品三品武二品及京堂翰林科

道皆得用

一品官朝珠

以密珀玉石及諸香為之雜飾惟宜綠石青色

文五

品武四品以上及京堂翰林科道皆得用

一品官坐褥

冬用狼皮夏用紅褐

二品官朝冠

薰貂貂尾皆得用頂鏤花金座中飾紅寶石一上

銜鏤花珊瑚常服冠用鏤花珊瑚圓頂

雨冠紅色雨衣雨裳青色

惟各省巡撫均用紅色

二品官補服

文職繡錦雞武職繡獅

二品官朝帶

鏤金圓版四每具飾紅寶石一

二品官坐褥

冬用獬皮夏用紅褐緣皂褐武職皆如文二品

三品官朝冠

頂上銜藍寶石餘制同二品常服冠用藍寶石圓

頂

一等侍衛俱戴孔雀綢端
罩袷獬獬為之間以貂皮

三品官補服

文職繡孔雀惟副都御史及按察使繡獬豸武職

皆繡豹

惟無緣
及端罩

三品官朝帶

鏤花金圓版四

一等侍衛同

三品官坐褥

冬用貉皮夏用皂褐緣紅褐

四品官朝冠

薰貂為之頂鏤花金座中飾藍寶石一上銜青金

石常服冠用青金石圓頂

雨冠紅色前加緣二寸五分後五寸青色

二等侍衛俱戴

孔雀翎端罩紅豹皮為之雨冠
乾清門侍衛皆用紅色雨衣雨裳

御前侍衛
御前侍衛

用紅色其餘侍衛各從其品

四品官補服

文職繡雁武職繡虎

二等侍衛同

四品官朝服

緞紗隨時自黃色外皆得用披領及袖俱石青片

金緣冬加海龍緣兩肩前後正蟒各一要惟行蟒

四中有縷積裳行蟒八

一等侍衛武三品並同二等侍衛冬夏俱剪絨緣前

後方欄行蟒各一裳行蟒四中有縷積

四品官蟒袍

繡四爪蟒八

二等待衛以下及五品六品並同

四品官朝帶

銀銜鏤花金圓版四

二等待衛同

四品官坐褥

冬用山羊皮夏用皂褐

五品官朝冠

頂上銜水晶餘制同四品常服冠用水晶圓頂等

侍衛俱戴孔雀翎
端罩黃狐皮為之

五品官補服

文職繡白鵝惟監察御史繡獬豸武職繡熊
餘皆如文

五品惟
無朝珠

五品官朝服

色用石青前後方欄行蟒各一中
有襍積片金綠

六品七品同三等侍衛
藍翎侍衛俱剪絨綠

五品官朝帶

銀銜素金圓版四

五品官坐褥

冬用青羊皮夏用藍布襯白氈

六品官朝冠

頂上銜碑礫餘制同五品常服冠用碑礫圓頂

六品官補服

文職繡鷺鷥武職繡彪

六品官朝帶

銀銜玳瑁圓版四

六品官坐褥

冬用黑羊皮夏用黑縐色布

七品官朝冠

頂鏤花金座中飾水晶一上銜素金常服冠用素金圓頂進士朝冠上銜金三枝九葉舉人公服冠上銜金雀

七品官補服

文職繡鴻鵠武職繡犀牛

七品官朝帶

素銀圓版四

七品官蟒袍

繡四爪蟒五

八品九品同

七品官坐褥

冬用鹿皮夏用灰色布

八品官朝冠

頂鏤花金座上銜花金常服冠用花金圓頂貢生
監生公服冠頂鏤花銀座上銜金雀貢生常服冠
用花金圓頂監生常服冠用素銀圓頂

八品官補服

文職繡鶴鵠武職繡犀牛

八品官朝服

用石青雲緞片金緣中有縐積

九品
同

八品官朝帶

銀銜明羊角圓版四

八品官坐褥

冬用麂皮夏用土布

九品官朝冠

頂鏤花金座上銜花銀常服冠用花銀圓頂未入

流同生員公服冠頂鏤花銀座上銜銀雀常服冠

用素銀圓頂

九品官補服

文職繡練雀武職繡海馬

九品官朝帶

銀銜烏角圓版四

九品官坐褥

冬用獺皮夏用土布

祭祀舞生冠

頂鏤花銅座中飾方銅鏤葵花文舞生所用上銜

銅三角如火珠形式舞生所用上銜銅三棱如古

戟形

祭祀舞生袍

以綢為之

其色用黑

南郊用石青

社稷壇

北郊

太廟

朝日壇

帝王廟

文廟

先

文舞

農壇

太歲壇俱用紅

夕月壇用月白

生所服前後方襴銷金葵花武舞生所服通銷金

葵花

祭祀舞生帶

綠綢為之

金匱要略卷之十一
祭祀執事人袍

以綢為之

其色

用黑不加緣

南郊用石青

太廟

文廟

北郊

先農壇

社稷壇

太歲壇俱用青色

藍緣

祈穀壇

社稷壇

朝日壇

帝王廟俱用青色

石

青緣

夕月壇

用青色月白緣

樂部樂生冠

頂鏤花銅座上植明黃銅

樂部樂生袍

紅緞為之丹陛大樂諸部樂生所服通織小團葵

花中和韶樂部執戲竹人所服前後方欄繡黃鸝

樂部樂生帶

綠雲緞為之

鹵簿輿士冠

頂鏤花銅座上植明黃翎

枝尉冠頂
素銅座

鹵簿輿士袍

紅緞為之通織小團葵花

枝尉
同

鹵簿輿士帶

綠綢為之

枝附同

鹵簿護軍袍

石青緞為之通織金壽字片金緣領及袖端俱織

金葵花

凡官員父母受封者冠服得如所封之品官員加級受封冠服均從本任惟致仕後准照所封之品服用其革職留任之員准照原品頂帶服用凡都察院都事經歷筆帖式及按察使經歷照磨等官

俱照本身品級不得用獬豸補服外郎耆老冠頂
以錫

凡每歲春季用涼朝帽及夾朝衣秋季暖朝帽及
緣皮朝衣於三九月內或初五日或十五日或二
十五日酌擬二日奏請得

旨通行各衙門一體遵照

凡十一月初一日起至次年正月十六日止朝會
祭祀俱用緣貂朝衣先期奏請得

旨行宗人府轉行王公並通行在京三品以上各衙門
凡元旦節王公百官咸衣蟒袍補服七日上元節
自十四日至十六日衣蟒袍補服三日均於前一
年八月內一并具題每歲

皇帝萬壽

皇太后萬壽王公百官咸衣蟒袍補服七日

皇后千秋衣蟒袍補服一日恭遇

皇帝萬壽大慶

皇太后萬壽大慶之年應衣蟒袍補服一月均前期請

旨通行在京各衙門及直省其餘筵宴迎

鑒以及一切嘉禮俱衣蟒袍補服每月朔日及初五初
十五二十二二十五等日俱衣補服

凡親王以下宗室以上皆束金黃帶覺羅束紅帶
其金黃帶紅帶非

上賜者不得給與異姓

凡王公以下額駙等以及民公侯伯一二品大臣

侍衛內有蒙

上賜紅絨結頂冠者除所

賜外不得如式更製郡王以下均不得用織金彩色五

爪龍衣服及五爪暗龍緞若

上賜者許用仍去一爪若王等賞所屬織金彩色龍者

雖服過仍去一爪其餘服物不得使受賞者踰越品級

凡王公以下不得用

上用服色黃色秋香色及黑狐皮五品官以下不得用

蟒緞粧緞貂皮捨猓猓八品以下不得用大花緞
紗及白豹天馬等皮

凡四品官以下除京堂翰詹科道侍衛等官外不
得用端罩文四品以下武三品以下除有職掌大
臣及一等待衛外不得用緣貂朝衣朝會之地除
應端罩人員外不得反穿皮衣混充補服

凡文六品以下除翰詹等官批本奏事軍機處行
走人員內務府主事外武五品以下除侍衛外不

金史卷一百四十一
得用朝珠惟禮部主事兼

文淵閣檢閱中書太常寺博士典簿讀祝官贊禮郎
鴻臚寺鳴贊光祿寺署正署丞典簿國子監監丞
博士助教學正學錄等官在

壇

廟執事及

殿陛侍儀准掛朝珠其平時宴處及在公署仍不得用
凡衣服織文親王郡王貝勒用龍文貝子以下宗

室各將軍民公以下四品官以上及

御前侍從官均得用蟒文七品以上官得用諸花繒八品
九品官用雜花及素繒舉人視七品貢監視八品
軍民吏員得用綾絹餘並不得濫用

凡内外文武大小官員頂帽補服坐褥悉照本身
現任品級不得計算加級濫用

凡文武官迎送謁見上司止用補服不得濫用朝
服披執

凡商賈有捐納職銜者冠服各從其品無職銜者與庶民同

凡考職吏員在籍止用頂帽不得僭用補服內外各衙門供事書吏非年滿考職者並不得僭用金頂

凡奴僕優伶皂隸不得服用緞紗及各種細皮各帽用染駝鼠狐貉獺皮不得用貂

凡王以下文武一品大臣及

御前行走侍衛直省督撫雨衣雨帽均用大紅色文武

二三品及

內廷行走官員雨帽用大紅色四品以下雨帽均紅
頂黑邊七品以下黑頂紅邊無職人不得用紅色
油帽鹽帽並同

凡文武官員上朝及坐班時如非下雨戴雨帽者
照例參處

皇朝文獻通考卷一百四十一